

樂山縣志卷之十六

外紀志

雜錄

流寓

祥異

披沙揀金豈無遺珍臨流網魚容有逸鱗將廣爲搜羅以慰求備者之心此正志之必輔以外志也是亦猶古者外傳外編之類云耳故所見異詞所聞異詞所傳聞又異詞考古証今統同辨異及一切稗官雜說所載新奇可喜之論皆可以翼志乘悅心目烏在其可棄也若夫名流寄跡落落萍踪而邈尙遐風地囚人重暨夫飛潛動植風雨雪霜凡有異于常情皆可徵夫休咎雖事涉瑣碎而義取詳盡志外紀

雜錄

華陽國志南安縣郡東四百里治青衣江會縣漑有名灘一曰雷垣二曰鹽坹李冰所平也有柑橘官社漢有鹽井南安武陽皆出名茶多陂池西有熊耳南有峩眉山山去縣八十里孔子地圖言有仙藥漢武帝遣使者祭之欲致其藥不能得有四姓能宣謝審五大族楊費又有信士呂孟貞紀至行也

漢鄧通南安人也以濯船爲黃頭郎文帝嘗夢欲上天

不能有一黃頭郎推上天顧見其衣尻帶後穿覺而之漸臺以夢中陰目求推者郎見鄧通其衣後穿夢中所見也召問其名姓甚說尊幸之日日異通亦愿謹不好外交雖賜洗沐不欲出於是賜通鉅萬以十數官至士大夫間如通家遊戲然通無他技能不能有所薦達獨自謹身以媚上而已上使善相人者相通曰當貧餓死上曰能富通者在我於是賜通蜀嚴道銅山得自鑄錢鄧氏錢布天下文帝病癰鄧通嘗爲嗽吮之上不樂從容問曰天下誰最愛我者通曰

宜莫若太子太子入問病上使太子齧癰太子齧癰而色難之已而聞通嘗爲上齧之太子慚繇是心恨通及文帝崩景帝立鄧通免家居居無何人有告通盜出徼外鑄錢下吏驗問頗有遂竟案盡没入之通家尙負責數鉅萬長公主賜鄧通吏輒隨没入之一簪不得著身於是長公主乃令假衣食竟不得名一錢寄死人家

南齊書永明八年劉俊啓世祖曰南廣郡界蒙山下有城名蒙城可二頃地有燒鑪四所高一丈五尺從蒙

城渡水南百許步平地掘土深二尺得銅又有古掘銅坑深二丈並居宅處猶存鄧通南安人漢文帝賜嚴道縣銅山鑄錢今蒙山近青衣水南青衣在側並是故秦之嚴道地青衣縣又改名漢嘉且蒙山去南安二百里案此必是通所鑄近喚蒙山獠出云甚可經畧此議若立潤利無極並獻蒙山銅一片又銅石一片平州鐵刀一口上從之遣使入蜀鑄錢得千餘萬功費多乃止

周書王謙以世受國恩將圖匡復遂舉兵署官司所管

樂山縣志

卷十六

雜錄

三

益潼新始龍邛青瀘戎寧汶陵遂合楚資眉普十八州及嘉渝臨渠蓬隆通興武庸十州之人多從之

宋熙寧十年以前嘉州八務商稅歲額十萬貫以上

唐鹽井邛眉嘉井十二劔南西川院領之

宋嘉州十五井歲煮五萬九千餘觔

宋嘉定中置嘉定府邊丁二千以備蠻

蜀川縣在川中心輿地志云後漢安帝置益州廣漢嘉州是爲三屬嘉州見在川中故名蜀川

寰宇記龍游縣本漢青衣道在大江之西卽青衣水合

江之所接青衣水濯衣卽青故曰青衣道漢爲南安縣地

按青衣道今雅安縣也寰宇記誤

大江一名汶江俗爲通江自平羌縣界流八龍游水經注云江東南過犍爲武陽縣南青衣水從西南注之又云東至南安爲璧玉津按青衣水自南安合汶江水經注誤府志辨之

青衣神號雷槌廟班固以爲離堆下有石室名玉女房蓋此神也

樂山縣志

卷十六

雜錄

四

揮塵錄江自嘉州至荆門名灘險地凡千百餘舟人一能言之其灘之外有灘有磧凡數十皆見於字書其名甚多不盡書也

石洞院在小市黃太史自叙南經此有所作墨竹記畫禪道臻嘉州石洞講師也能墨竹山谷贈序云道臻刻意尙存行自振於溷濁之波故以墨竹自名然臻過與可之門而不入其室也

嘉州開元觀後周所創本名宏明觀隋大業中方制大殿於殿西頭塑飛天神王像坐高二丈餘坐二鬼之

上初修觀道士呂元瑑數夕夢神人在山頂其形接天或白日髣髴如見郡人有好道者時亦見之或通寤寐遂商議塑此形像本有十身初製其一像之靈應郡人所知禱祈必驗

道教靈驗記嘉州開元觀在層岡之上下眺城邑俯眎江山二水縈迴衆峯環抱頗有郡中之勝舊有高閣臨崖崇樓切漢制度宏巧遠近稱之久曠葺修樓已摧壞官收其材用之餘者爲馬廐焉有古制門扉堅朽不蠹亦置於木棧之旁而夜夜有光炯然可鑑以

樂山縣志

卷十六

雜錄

五

其爲怪棄而不用及遷於紫極宮玄元殿內有小赤蛇蟠綴門櫺之上累日不去雖衆人聚觀以物驅斥宛然猶在旬日之外不知所之

邵氏聞見錄云余爲西蜀憲其治在嘉州之西有花將軍廟將軍英武見於杜子美之詩廟史以匣藏唐至德元年十月鄭丞相告云花驚定將軍也是歲土藩陷嵩州將軍與丞相豈同功者耶告後列金紫光祿大夫左相豳國公臣正議大夫門下侍郎平章事博陵縣開國男臣不書姓名右相闕一銀青光祿大夫

行中書侍郎平章事姓名磨滅謹攷唐至德元年肅宗卽位靈武右丞相楊國忠誅死故闕之是歲六月丙午劔南節度使崔圓爲中書侍郎平章事七月庚午武部尙書平章事韋見素爲左相蜀太守崔渙爲門下侍郎平章事其不書姓名磨滅者此三人無疑矣中書省官臣書姓名門下省官臣不書姓名當時節度廢闕如此然花將軍之名驚定惟得於此告也或云將軍丹陵東館人今東館廟貌尤盛云廟史又出本朝乾德三年二月二十六日僞蜀王孟昶僞蜀

太子孟元喆以降入朝舟過廟下祭文二緙墨色如新

宋范石湖吳船錄甲申早出山至江步與送客先歸者別放船過青衣入湖瀼峽由平羗舊縣至嘉州日未晡自眉至嘉百二十里中巖其半途也謁憲使程詠之於雪堂雪堂者詠之葺重堂之後一堂深邃清涼專以度暑盡取所藏雪圖挂四壁而榜曰雪堂將以館余余不暇遷然未行以前蓋日造焉先是余造舟於叙旣成泝流泊於嘉甫畢而被召自合江乘小舟

至此登新艦乃治裝及載諸軍封椿稍治一行私商
匿稅之弊例留數日行館之側曰問月堂雖久不葺
然月正出前簷名不虛得城累大石爲之以備漲湍
雖庠而堅儀門之榜曰犍爲郡然非漢郡舊地也尤
多荔枝皆大本輪困數圍以九頂寺殿前樵核者爲
最每歲憲司專之乙酉泊嘉州渡江遊凌雲在城對
岸山不甚高綿延有九山頭故又名九頂舊名青衣
山青衣蠶叢氏之神也舊屬平羗縣縣廢併屬龍游
躋石磴登凌雲寺寺有天寧閣卽大像所在嘉爲衆

水之會導江沫水與岷江皆合於山下南流以下犍
爲沫水合大渡河由雅州而來直擣山壁灘瀧險惡
號舟楫至危之地唐開元中浮屠海通始鑿山爲彌
勒佛像以鎮之高三百六十尺頂圍十丈目廣二丈
爲樓十三層自頭面以及其足極天下佛像之大兩
耳猶以木爲之佛足去江數步驚濤怒號洶湧過前
不可安立正視今謂之佛頭灘佛閣正面三峩餘三
面皆佳山衆江錯流諸山間登臨之勝自西州來始
見此耳東坡詩但願身爲漢嘉守載酒常作凌雲遊

後人取其語作載酒亭於山上丙戌泊嘉州遊萬景樓在州城榜高邱之上漢嘉登臨山水之勝旣豪西州而萬景樓所見又甲於一郡其前大江之所經犍爲戎瀘遠山縹緲明滅烟雲無際右列三峩左橫九頂殘山剩水間見錯出萬景之名眞不濫吹余詩蓋題爲西南第一樓也九頂之傍有烏尤一小峯江水繞之如巧畫之圖樓前百餘步有古安樂園山谷常遊之名軒曰涪翁壁間題字猶存云見水繞烏尤惟此亭耳是時無有萬景故山谷以安樂園爲勝今不

足道矣下山入小巷至廣福院中有水洞靜聽洞中時有金玉聲琅然清越不知水滴何許作此聲也舊名丁東水寺亦因名丁東院山谷更名方響洞題詩云古人名此丁東水自古丁東直到今我爲更名方響洞要知山水有清音壬寅將解纜嘉守王亢子蒼留看月榭前權守陸游務觀所作正對大峩取李白峩眉山月半輪秋影入平羌江水流之句郡治乃在山坡上正堂之偏有孫真人祠祠前有丹井有石洞亦有水聲如丁東號鳴玉洞食後發嘉州監司太守

前路相別憲司吏獨棹葉舟過佛頭灘覆於望中子姪船上重下輕屢歌側不免議易舟僅行二十里至王波渡宿屬中稱尊老者爲波祖及外祖皆曰波又有所謂天波日波月波雷波者皆尊之之稱此王波蓋王老或王翁也宋景文嘗辯之謂當作幡字魯直貶涪州別駕自號涪幡或從其俗云

宋眞宗咸平初有詔川陝諸州參用銅鐵錢每銅錢一當鐵錢十時張詠知益州言諸州錢有銅鐵價輕重不一望依古折納銅錢公私便之景德元年復以刑

部侍郎知益州諭詠曰卿在蜀朕不復有西顧憂因詔鑄景德大錢於嘉邛二州一當小鐵錢十民咸便之

邑侯董仁原先生殫心撫字清操徹冰善政未易枚述述其異事一二壬申七月偶旬餘不雨人情皇皇公設誠致禱是日大雨隨注民賴有秋又邑有祝游二氏不戒於火公馳至就火場虔拜須臾風轉火熄昔劉昆守江陵有反風滅火事後入對世祖則曰偶然耳茲亦豈偶然乎乃遭蜚語罷官報至聞者泣下民

爲罷市三日乞留者以萬計公竟拂衣去歸橐蕭然
士民捐金佐行李概却不受公名時選蜀嘉定州人
耽著述尤擅臨池語見冷賞

升菴詩話云亡友安公石嘉州人妙於集句以鱸魚正
美不歸去對瘦馬獨吟真可哀又請君酌我一斗酒
與爾同消萬古愁又梁間燕子聞長嘆樓上花枝笑
獨眠水國蓮花府雲帆楓樹林又集杜句弔葉叔晦
讀者爲之泣下其詩云臨江把背難再得便與先生
成永訣文章曹植波浪濶死爲星辰亦不滅老去新

樂山縣志

卷十六

雜錄

十

詩誰與傳男兒性命絕可憐出門轉盼已陳迹山中
妻子哭向天中夜起坐萬感集人生有情淚沾臆鳳
凰麒麟安在哉石田茅屋荒蒼苔君不見赤牆日色
晚悲風爲我從天來

茶爲蜀中郡邑常產凌雲沙坪初春所採不減江南
明正德辛巳有夫婦丐而弄猴十年矣寓於嘉州之白
塔山主者死葬於塔之左猴日夜號其婦更招一丐
爲夫猴舉手擲揄之婦弄猴使作伎伏地不動鞭之
輒奮叫八夜走主者之墓跑土悲號七日而死

嘉州烏尤山釋氏相傳爲觀音大士至此見兩河沙岸
鬼魅啾啾乃化爲鬼王世云大士七十二化至此自
視其像大覲魑陋遂再不化

凌雲寺元時爲戰場多鬼崇至正間僧千峯曾爲獄卒
合送囚徒會訊千峯曰世亂刑繁多不當罪吾憐汝
釋之吾亦從此逝矣遂削髮爲僧結菴九峯山時挾
一銅鐘以避崇謂之幽明鐘條有一人走告郡守曰
有僧鳴鐘家衆甚不安可爲禁之守像其人不凡乃
諾而陰覘之至碧津渡卽入水去守曰此龍王下有
樂山縣志

卷十六

雜錄

十一

龍宮焉因語僧僧卽止之後數日又鳴之一夕大風
雨掣鐘去寺至今不敢鳴洪鐘

明嘉靖辛丑歲嘉定有儒生呂和者畜一猫爲鄰竊後
知之訟於官盜者畏罪人言須以牛償猫乃可釋盜
者曰牛賴以耕去此則一家無望矣遂至夜鍵閉門
戶拽牛至寢室並其母妻烈火焚之以身躍入人物
房舍俱燼然儒者實不知也後有商閩四者以債訟
挾儒生於官官不察謂此生捶殺數人放火以滅蹟
獄成置之重辟衆咸冤之儒生旣歿商得志生子女

各一子甚敏慧善讀書後入試見冤者持之遂昏迷
扶出吐血死女亦死商夫婦亦相繼死永訣時口數
數道前事人亡產蕩不異於冤者豈非天道哉

嘉定州有黃魯直鐵羅漢頌小序云峩眉山之下墓頤
津之淵有百鍊鋼鑄成二佈魔開士人物表儀隨世
尺度其中空洞不留一物叩之鏗然應大應小香塗
刀割受供不二沉之水則著底投之火則熾然水火
事急二老相視而笑涪翁曰吳兒鐵人石心吾不信
也二老者真鐵石耳乃爲之訟曰人言佈魔像非金

樂山縣志

卷十六

雜錄

十二

亦非鐵若作世金鐵開士亦不現禪坐應念徃一鉢
千家供順佛遺勅故不宣示神通有爲中無爲火聚
開蓮花無爲中有爲甘露破諸熱魔子自怖畏我無
怖畏想或欲壞鎔之爲己富貴梯賴世主慈光虎兎
失瓜角或得埜狐書有字不可讀狐涎着其心字義
皆炳然却來觀六經全是顛倒想今世青雲士慎莫
作此解

王漁洋蜀道驛程記云嘉州古南安華陽志南安縣治
青衣江會云蜀王開明故治也駐上南道舊署署枕

高望山之足有高望樓窻檻軒豁三峩正直其西間
丁東院無知者門人鄭陳季帥四子從登高望過一
小寺甚荒落鄭生曰丁東寺也一井泓然在佛殿之
南卽丁東井山谷易名方響者時雨後水溢鄭生云
水涸則井半有泉鏗然下注其聲丁東然高望一名
高標州之主山也有宋神霄玉清萬壽宮絕頂爲高
標書院登此四望其西三峩竦峙青衣沫若二江自
西來會於雙湖岷江自灌口成都下新津武陽經城
北平羗峽至凌雲山前三江合流浩淼無際凌雲九

峯相接又名九峯稍南烏尤馬鞍二山鱗次江岸丹
厓翠壁望若畫圖江流平遠戎瀘諸山宛在杯案昔
人謂嘉陽山水爲西州冠非虛語也日晡迫下山悵
望而別約明晨登凌雲觀大像晚晴初二日晴遣行
李入舟余以小艇由東門截流渡江四子從行旣登
岸諸子請候輿馬余屐而登焉草深石滑登頓甚苦
二里許泉流夾道石壁書凌雲第一重五大字上下
山谷間草露沾衣泥中虎跡交錯於路又四五里始
及山門內有唐放生碑峭壁下垂石磴千折江聲澎

泝起於足下壁間多前人題字有大書蘇東坡載酒
時遊處坡詩云生不願封萬戶侯亦不願識韓荊州
但願身爲漢嘉守載酒時作凌雲遊終未踐斯語也
寺創自開元鉅麗爲西南第一明末袁韜武大定作
亂寺爲灰燼江岸大像開元中釋海通所鑿未竟示
寂韋臯鎮蜀始成之舊有佛閣亦燬於兵墨莊漫錄
云嘉州凌雲大像記韋臯文張綽書字畫雄偉尋之
不可得像前卽三江合流處東坡詩奔騰過佛脚謂
此像南爲競秀亭由佛殿左折而上有小澗跨石梁

坡公洗墨池也旁爲清音亭兩亭皆俯江干平視三
峩極曠望之致振衣千仞岡濯足萬里流差足當之
殿右爲宋州守吳秘治易洞坡公有詩又有注易洞
明守袁子讓刻五碑其中殿前有卧鐘二猶是開元
舊物相傳阿羅漢像甚奇古亦付劫灰爲之太息與
諸子小飲競秀亭青山白雲長江萬里罷酒巡視石
壁諸詩得州人安磐松溪四絕句最佳聊記其二林
竹斑斑日上遲烏啼花暝暮春時青衣不是蒼梧野
却有峩眉望九疑青衣江上水溶溶隔岸遙聞戒夜

鐘暫借竹床聽梵放月華初到第三峯又隴右任倫
題大佛云大像何年倚翠微靈光隱隱九峯暉可憐
世歷風霜古銷却金衣變草衣餘多不及錄舟人報
船泊大像閣下循山門西麓而下不數武卽至江口
適州人言此地盤渦迅急不可艤舟故由東山徒步
崎嶇數里始達可笑也江干別四子登舟祭神解纜
頃刻已過烏尤烏尤一名青衣山單椒秀出在九峯
之後濃秀如金陵燕子磯山谷遊此爲易今名山有
爾雅臺記稱郭景純註爾雅處山下產墨魚俗謂食

研墨所化立春後泛子漁人以燈火照之輒止不去
袁子讓詩云何人解識終軍鼠此地猶傳翰墨魚按
彝陵亦有爾雅臺未知孰是時風日流麗澄江如練
順風蕩槳倏忽數十里回望嘉州城郭居然金粉畫
圖大峩峩峯頂奇雲片片作白毫光余此行所歷名山
如太行霍山姑射中條太華終南太白岷山青城諸
勝惟太華與峩眉差相伯仲昨一望於九盤再望於
高望樓又望於玉清絕頂望於凌雲雖身未到八十
四盤佳處已領其要可謂歸去得雄誇矣

漁洋詩話云余登凌雲石壁刻詩最多惟松谿四絕句甚工記其二云青衣江上水溶溶隔岸遙聞戒夜鐘暫借竹床聽梵放月華初到第三峯林竹斑斑日上遲鳥啼花暝暮春時青衣不是蒼梧野却有峩眉望九疑蓋峩眉三峯正直凌雲九峯之西中隔三江至其地始知其詩之工也余嘉州竹枝云分取三江作明鏡鏡中各自照峩眉

金華葉維一新署嘉州守有會稽錢生具牒丐助詞致動人猝無以應判一絕於後還之詩曰兩年宦轍等

樂山縣志

卷十六

雜錄

十六

飄蓬賺得清名是屢空慚愧窮途步兵尉不堪持贈袖間風次日競相賡和傳爲佳話

嘉定城中土主祠凡三一在龍泓名碧山廟一在高幟西一在高幟東相傳東祀寇將軍西祀花將軍皆不經惟趙昱近之貌以被髮仗劍豈斬蛟時狀耶明知州鍾振改正載入正祀良爲有見又東廟前有大觀樓鍾改爲書院今亦就傾圮

艾某嘉定人獻賊據成都脅諸生省試名在遣中將行鷹啣其中以爲不祥諷日出門又如是遂遁去不及

於難賊敗教授鄉里王況王澍王治昆仲三孝廉皆
出其門時縉紳殂喪經籍殘燬文學孤寄巋然魯靈
光歿而祀之稱艾夫子云

高幬山大殿外左壁書孟尉詩春來不覺曉處處聞啼
鳥夜來風雨聲花落知多少二十字筆勢伸縮飛舞
盡致殿敞改爲此壁不堊墨色如新人以爲三峯仙
筆云

麗正門俗名鐵牛門鐵牛製爲眠形昂首而縮尾頭角
已剝位向西南傳峩尖一火星正當州南離門州人

樂山縣志

卷十六

雜錄

十七

怯火故厭之以此歲久質堅光瑩如玉不記始鑄年
月公石修城記未之論著意後人改爲者丙午歿於
水威烈臺在東山下一名威烈嘴隋趙侯斬蛟蹟也
下有小洞口如豆方人謂海眼乾隆初有漁者網得
白骨醫者葉姓稔爲龍骨用之和方有効後葉病顛
占之則龍爲厲丙午伐之修南城臺遂剝

嘉城社會爰帝最盛神木像刻正統年製計今近四百
年郡祀甚謹其祀於玉鳳山者名金花尤靈異相傳
神出世卽明程給諫以道以道病目占爲神犯走人

伺之則蛛蠓蔽神目蠓擊而目痊張象翀嘉州修學
記云高幬之麓維嘉學宮明御史郡人程子啟充實
肇造者故廡下曾專祠祀之專祀無考玉鳳山實右
學宮謂祀神卽祀程也可

徐學周明嘉靖中任嘉州牧著采木哀鳴錄凡六難喬
中丞聚垣讀而傷之曰險阻艱難誰親於其身嘗之
者試嘗之雖百難可也

明趙司鈺字翼黃號退公崇禎時孝廉累官上川南道
今秩官無其名豈其在勝國永歷時與與費此度唱

樂山縣志

卷十六

雜錄

十八

和頗多漁洋稱此度當明末遁身西域蓋在沈黎越
嵩間然同時贈答之作皆稱寄嘉州此度參軍也
邵經邦宏簡錄爲唐求立傳第云蜀人全唐詩全五代
詩亦然唯楊升菴以爲嘉州人然今崇慶州志亦收
之不知其爲何處人也前人謂其詩思游歷不出二
百里比觀其集亦殊不然又求或作球近新都人刻
升菴集悞作珠

眉州嘉定犍爲納谿俱有清溪驛李太白峩眉山月歌
向來都無定詮郡治北數十里爲平羌舊縣建置在

唐以前府江自眉州來俱稱平羌江三峽當在其處少陵嘉州詩所謂平羌三峽且相接者也白自眉州來故泛平羌下三峽若嘉定犍爲之清溪便不能矣何況納溪耶

郭璞入蜀史有闕文物譜乃以爲官漢嘉太守何其戾耶又舊志載郭於郡屬多留記絕似讖語殊無理致蓋後人僞作也今俱不錄

彭樂齋觀察云楊展旣被害樊一蘅以書責李乾德云嘉陵峩眉間二三遺民不與獻賊之難者楊將軍力

樂山縣志

卷十六

雜錄

十九

也且背施忘好而取人杯酒之間天下其謂我何乾德笑以爲救時大計非豎儒所能知據此則展之死實由乾德矣

蜀之嘉陵江在廣元昭化人多以嘉州悞稱然亦有說今仁壽古之陵州也與郡屬接壤

大佛閣唐韋臯建高三百六十餘丈爲樓十三層以覆之見吳船錄或作七層誤豈明之燬於兵者是七層殆據所見以言耶

安公石磐與□佑先後俱以鄉試第二人成進士今蝦

墓口崑山祠其故居也故自名其詩文曰頤山集公石人品文字俱爲時重嘗見舊峩山志評其游峩詩有撒手爲鹽翻水成調之喻云

蜀稱離堆有七其一在夔州古歌云灩澦大如馬瞿唐不可下者是也其一在蒼溪顏真卿摩崖記所謂突入嘉陵江直上數百丈不與衆山連屬者是也其一在南部總志稱鮮于仲通與弟叔明潛修處者是也其一在灌縣灌縣志所謂秦太守李冰鑿者是也其一在樂山寰宇記于龍游縣云李冰鑿離堆避沫水

之害者是也其一在雅州雅州志多功峽大禹治水用功獨多者是也其一在雅州嘉定界上曰龜都郡國志所謂漢源縣有離堆卽蜀守李冰所鑿離堆者是也夔州蒼溪南部樂山四離堆皆天設惟灌縣雅州三處當爲李冰所鑿水經注華陽國志名勝志詳哉言之史記河渠志蜀守冰鑿離堆避沫水之害穿二江成都之中所謂離堆亦指嘉雅界上者言之水經注稱溷岩在南安西是也惟後人將史公此文二句並讀乃誤以灌縣者當之母惑乎以岷江爲沫水

矣

郡地置縣雖始於漢至晉以後率爲獠據故今志職官遵府志自隋始隸釋平鄉道碑有南安長王掾何皆失其名且無時代不能登也

邑進士冷然出語極雋永之致其書謝湛明草堂壁間云前過習家池中荷數本池上鳳皇臺俯臨大江晉人風流依在望蓋徘徊不忍去云今年謝子湛明卜居嘉城外龍游山之阿門前石塘一口逼似習家池以謝子風流得此雅地兩相尙矣約買小魚百數頭置之且將種荷愚聞野老言荷莖有黑小刺游魚多避之則魚荷似不可并殖當攜酒池上細商此事

吳船錄郡治正堂之偏有孫真人丹井號鳴玉洞久不知其處茲嘉慶壬申孟冬知府事宋鳴琦因修葺二堂廡舍于西南隅掘得一井深可四五丈水泉清冽石甃宛然疑卽所謂丹井未知是否

流寓

晉

郭璞字景純聞喜人初官軍諮祭酒王導引爲參軍元帝以爲著作郎累遷尙書郎王敦謀逆殺璞敦平贈宏農太守所著有洞林新林卜韻注釋爾雅三蒼方言穆天子傳山海經莖經數十萬言

唐

王勃河汾人通之孫也麟德初未冠對策高第授朝散郎沛王聞其名召署府修撰以戲爲鬪雞檄高宗怒斥出客遊劍南求補虢州參軍坐殺官奴當誅會赦除名俄父左遷交趾令往省渡海驚悸卒年二十九

樂山縣志

卷十六

流寓

二十二

生平喜著書有文集三十卷周易發揮大唐千歲歷若干卷客劍南時嘗遊嘉州集中泥溪麻坪皆近在附郭也

宋

程公望常寓居郡城白巖三洞註易蘓洵攜二子過之蘓軾眉山人嘉祐二年試禮部歐陽修得其文驚喜語梅聖俞曰願避此人出一頭地調福昌簿修薦應制科復對策入三等自宋初以來制策入三等惟吳育與軾而已除大理評事判鳳翔府英宗朝除直史

館熙寧中言新法忤王安石通判杭州徙密徐湖諸州復坐謗赴臺獄謫黃州團練副使神宗朝手札移汝州哲宗立召爲禮部侍郎尋除翰林學士兼侍讀四年請外得杭州六年召還轉翰林承旨請外知穎州累轉禮部尙書端明殿侍讀學士復請外知定州紹聖初以御史奏落職累貶瓊州別駕徽宗立量移近州還提舉玉局觀復朝奉郎建中靖國元年卒於常州年六十六孝宗追謚文忠東坡南行前集序云嘉祐己亥冬行適楚舟中無事雜悲有觸於中而發

樂山縣志

卷十六

流寓

二十三

於咏嘆盖家君之作與弟轍之文皆在焉又按欒城集此行凡東坡在嘉州所作轍俱有和作

黃庭堅分寧人擢進士熙寧初學官第文優等教授北京國子監累官至秘書丞兼國史編修紹聖初出知宣鄂二州貶涪州別駕安置戎州徽宗起監鄂州稅以吏部員外郎召不赴丐郡太平州到任九日罷主玉龍觀坐荆南承天院記復除名羈管宣州三年徙永州未聞命卒年六十一其謫戎州時常寓居嘉定郡之涪翁亭黃自題也

范成大吳郡人紹興進士隆興中以奉祠起知處州累遷起居郎假資政殿大學士充金祈請國信使尋以敷文閣待制制置四川淳熙中召對除權吏部尙書叅知政事進資政殿學士提舉洞霄宮紹熙二年加大學士四年卒謚文穆有石湖集攬轡錄桂海虞衡諸集按石湖峩眉山行紀流連嘉定凡三十日詳見本集

晁公武字子止澶州人靖康末避亂入蜀紹興中舉進士調榮州司戶後知成都府累官敷文閣直學士吏

樂山縣志

卷十六

流寓

二十四

部侍郎卒塋龍游今縣之符文鄉墓尙存榮州刺史李燾爲之書碣

劉甲其先東光人元祐宰相摯之後父著爲成都漕幕卒塋龍游因家焉甲中淳熙進士累官至興元府利東安撫使吳曦反上書告變自拔歸朝會曦誅詔趣還任除宣撫使移潼川府進寶謨閣學士知興元府利路安撫使節制本路屯駐軍馬卒謚清惠著有奏議十卷蜀人物志若干卷

明

薛瑄河津人永樂進士宣德中擢授御史累官大理寺少卿尋落職景帝初起爲大理寺丞官終禮部右侍郎天順中追諡文清從祀廟庭所著有讀書錄二十卷嘗寓嘉州比去蜀尙有見懷詩

祥異

隋

煬帝大業中眉山郡蛟爲害太守趙昱入水擒斬之詳政績志

唐

樂山縣志

卷十六

祥異

二十五

高宗永徽六年嘉州民辛道護妻一產四男

前蜀

王建唐天祐五年黃龍見嘉陽江

宋

開寶八年嘉州有禾一莖十四穗

開寶九年九月嘉州江水暴漲壞官廬民舍溺死者亡算

端拱二年嘉州江漲入州城壞廬舍

大中祥符元年秋七月嘉州異畝合穗

景祐二年嘉州芝草生

皇祐元年嘉州有禾一莖九穗

寶祐三年五月嘉定大雨雹

咸淳七年嘉定府城震者三詔金錢令胥萬壽城諸要
害

明

嘉靖十五年嘉定李樹結爲豆

嘉靖戊子秋有一青衣村人獲白兔獻之州

萬歷壬午年三月州城內大火連日發最後一日尤慘

樂山縣志

卷十六

祥異

二十六

烈子時起至亥末二百餘年古房悉爲煨燼

萬歷己酉年正月二十二日薄暮火自定波門起燬城

樓延燒居民數百家天明方止三月十五日新察院

右復火

崇禎己酉之變部落蔡保夫婦及街民童九等皆見火
旁高樹上懸一大緋有朱書不可辨又有印文印色
顯然大如升面不類官府所用者良久乃滅

國朝

康熙二十一年秋河水汛漲傷損民居禾稼

乾隆五十一年五月大渡河山崩水噎凡九日決自峩
眉界來府崇朝而至濤頭高數丈如山行然漂没居
民以萬計郡城麗正門崩入二百餘丈長亦如之
唐氏邑人趙明彥妻生三子而明彥卒氏持家教子皆
有法度現年八十二歲有孫萬珊等十三人會孫國
耀等十一人元孫繼先等二人五世一堂傳爲盛事